

Headlines

1. उपराज्यपाल मनोज सिन्हा होरें कुपवाडा च नशामुकत जम्मू-कश्मीर अभियान च हिस्सा लैता ते आखेआ जे नशा ते आतंकवाद इक्के सिक्के दे दो पैहलु न, इक पैसा किट्टा करदा ऐ ते दुआ आतंकवाद गी पोशित करदा ऐ।
2. मुखमंत्री उमर अब्दुल्ला होरें ग्रामीण आजीविका गी बेहतर करने च उम्मीद दी भूमिका दी सराहना कीती। 8 लख थमां बद्द महिलाएं गी प्रदेश च सशक्त बनाया गेआ।
3. केंद्री संयुक्त सचिव होरें डोडा जिले च महिला ते बाल विकास मैहकमे दे जत्तें दा जायजा लैता।
4. जम्मू-कश्मीर पुलस नै किशतवाड च विदेशी आतंकवादिणं दी कथित तौरा पर मदद उपलब्ध करोआने लेई 2 ध्यापकें सने 2 गी गिरफ्तार कीता।
5. ते मौसम विभाग नै 13 मई तगर जम्मू-कश्मीर च बरखा, ऐन गडा पौने ते धूल भरोची अंधी चलने दी पेशगोई कीती। किशती ते शिकारे दी सैर नेई करने दी सलाह दिती।

<><><><><><>

LG-Kupwara Nasha Mukht

उपराज्यपाल मनोज सिन्हा होरें अज्ज कुपवाडा च नशामुकत जम्मू-कश्मीर अभियान तैहत आयोजित इक पैदल यात्रा च शामिल होइयै लोकें गी समाज चा नशाखोरी दी कबैतु गी खत्म् करने लेई इकजुट होइयै सहयोग देने लेई प्रेरित कीता। इस मौके किट्टे गी संबोधित करदे होई एल.जी होरें आखेआ कि 100 दिनें दे नशामुकत जम्मू-कश्मीर अभियान दे पैहले 32एं दिनें दे अंदर नशाखोरी, नशा तस्करी ते नशे दे कारोबार कन्नै जुडे दे लोकें खलाफ सख्त कार्रवाई कीती गेई ऐ जेह्दे तैहत 730 लोक गिरफ्तार कीते गे न, संपत्तियां जब्त कीतियां गेइयां न ते 15 पासपोर्ट रद्द कीते गे न। नशा तस्करें ते आतंकवादिणं बश्कार संडगंड दा जिक्र करदे होई एल.जी होरें आखेआ कि जे एहू दवै इक्के दमूहे सप्प दे 2 मूंह न जेह्दे बेकसूर मसूम लोकें गी शकार बनाने लेई इक पैहा उगलदा ऐ ते दुआ आतंक दी अग भडकाने लेई इंधन। एल.जी होरें लोकें गी आखेआ कि जम्मू-कश्मीर चा आतंकवाद ते नशाखोरी दे खात्मे लेई लम्मी लड़ाई गितै तैयार होई जान।

<><><><><><>

CM-RDD

मुखमंत्री उमर अब्दुल्ला होरें ग्रामीण विकास मैहकमे ते जम्मू-कश्मीर ग्रामीण आजीविका मिशन उम्मीद दे कम्में ते उपलब्धिणं दी सिफत करदे होई आखेआ जे जम्मू-कश्मीर महिलाएं दी अगुवाई च ग्रामीण विकास दे नमें पैमाने तैह करा करदा ऐ। अपनी इक सोशल मीडिया पोस्ट च मुखमंत्री होरें आखेआ कि जम्मू-कश्मीर च आम सहायता समूहें राणं 96 ज्हार कोला मतियां महिलां कम्म करने लेई जुडियां न जिनेंगी 3 ज्हार 106 करोड़ रपे दी रकम बैंक दोआर दे रूपै च उपलब्ध कराई गेई ऐ। उनें आखेआ कि लखपति दीदी पैहल दी मदद कन्नै 2 लख 30 ज्हार महिला सलाना 1 लख रपे कोला मता कमा करदियां न। उमर अब्दुल्ला होरें अगगे आखेआ कि केंद्री मंत्री शिवराज सिंह चौहान होरें बी हाल च गै जम्मू-कश्मीर सरकार दे जत्तें दी सराहना कीती ऐ ते इसी महिलाएं दी अगुवाई च ग्रामीण बदलाव दी इक टकोह्दी मसाल करार दिता ऐ।

<><><><><><>

महिला ते बाल विकास मंत्रालय च जायंट सेक्रेटरी डाॅ. संजीव शर्मा होरें डोडा स्कूल शिक्षा मैहकमे दी इक बैठक लाई ते पी.एम श्री स्कूलें च विद्यार्थिं दे गिनतरी गी बढावा देने पर जोर पाया। एह्दे लेई उनें जागरूकता अभियान चलाने पर बी जोर पाया। उनें साइबर सुरक्षा, वोकेशनल ट्रेनिंग ते भविष्य सरबन्धी परामर्श उपलब्ध करोआने पर जोर दित्ता। मुख् शिक्षा अधिकारी डोडा होरें प्रिंसीपल ते हैडमास्टरें दी सकूल च कमी गी उजागर कीता। केंद्री संयुक्त सचिव होरें भरोसा दोआया जे इस मामले पर लोडचदी कार्रवाई कीती जाह्य ते इसी मुनासिब मंच पर पुट्टेआ जाह्य।

<><><><><><>

Revenue-Digital

जम्मू-कश्मीर सरकारै केंद्र शासित प्रदेश च 64 लख कोला मते जिमी दे खसरे दी मंजूरी दे कन्नै गै जिमिं दे रिकार्ड दे डिजिटलीकरण च 93 इशारिया 3-9 प्रतिशत दी प्रगति हासल करी लैती ऐ। आकाशवाणी दे जम्मू संवाददाता नै जानकारी दित्ती ऐ कि 68 लख 59 ज्हार 915 खसरें चा 3 लख 4 ज्हार 549 मामले अजें मेकर सतह पर ते 1 लख 10 ज्हार 587 चैकर सतह पर ते 38 ज्हार 138 मजूरकर्ता दी सतह पर ना। जानकारी मूजब रामबन, शोपियां ते गांदरबल जिलें च डिजिटलीकरण दा कम्म 100 प्रतिशत पूरा करी लैता गेदा ऐ जिसलै कि श्रीनगर च एह् कम्म 99 इशारिया 9-7 प्रतिशत पूरा करी लैता गेदा ऐ। जम्मू जिला जित्ये जिमी रिकार्डें दे गिनतरी सब्भनें शा मती ऐ उत्ये 91 इशारिया 6-4 प्रतिशत रिकार्ड डिजिटल एंगै नै दर्ज करी लैते गेदे ना। बकाया रौहंदे मामले दी दिसंबर 2025 बरे आहले दिशा निर्देशें मताबक जांच कीती जा'रदी ऐ। इस सारी प्रक्रिया गी डिविजनल कमिशनरें ते माली कमिशनरें दी निगरानी हेठ सार्वजनिक जांच ते मुकदे तौरा पर तर्ज करने दी प्रक्रिया गी तोड़ चाहेआ जारदा ऐ।

<><><><><><>

Rajouri-Hostel

केंद्र प्रायोजित समग्र शिक्षा स्कीम तैहत 100 बिस्तरें दी समर्थ आहला जागतें लेई होस्टल जागतें दे सरकारी हायर सेकेंडरी सकूल राजौरी च कायम कीता जा'रदा ऐ। एह्दे पर अंदाजन 2 करोड़ 45 लख रपे दी लागत औगा। स्हाड़े जिला संवाददाता दी रिपोर्ट मूजब 38 कमरें आहला एह् होस्टल बेहतर सुविधाएं कन्नै बनाया जा'रदा ऐ तां जे कब्जा रेखा ते बन्ने कन्नै लगदे इलाकें दे विद्यार्थिं गी मुफ्त रिहायश ते खाने-पीने आहली सुविधा हासिल होई सकै। प्रिंसीपल मुस्लीम वाणी होरें आखेआ जे एह्दा निर्माण कम्म तकरीबन पूरा होई चुके दा ऐ ते एह्दे कन्नै विद्यार्थिं गी बेहतर शिक्षा ते स्थूलत हासिल होगा। उनें आखेआ

<><><><><><>

Kishtwar OGW

जम्मू-कश्मीर पुलसै अज्ज दस्सेआ ऐ कि किशतवाड़ जिले च छात्रू दे सिंहपोरा इलाके च विदेशी आतंकवादिं गी आसरमा ते होर दुआ जरूरी समेयान उपलब्ध कराइयै मदद करने आहले सैफुल्लाह ग्रुप दे 2 समर्थकें गी गिरफ्तार कीता गेआ ऐ। स्हाड़े जिला संवाददाता नै जानकारी दित्ती ऐ जे एसएसपी नरेश सिंह होरें इस बारै जानकारी सांझी करदे होई दस्सेआ जे बड़ी बरीक तफतीश ते जांच पड़ताल दे बाद पुलसै सिंहपोरा दे बेगपोरा इलाके थमां मशकूर नां दे इक टीचर गी आतंकवादिं गी ठकाना उपलब्ध कराने दे आरोप च गिरफ्तार कीता गेआ ऐ जिसलै कि बंदेयांन नैदगाम दे बसनीक मनीर अहमद गी बी आतंकवादिं दी मदद करने लेई हिरासतै च लैता गेआ ऐ। इक रिपोर्ट कन्नै स्हाड़े जिला संवाददाता

<><><><><><>

Buddha Amarnath Yatra

बुद्धा अमरनाथ जात्रा पर औने आहले श्रद्धालुएं दी बेहतर सुविधा लेई जम्मू-कश्मीर सैलसफा मैहकमे नै पुंछ च आधुनिक सुविधाएं कन्नै लैस यात्री निवास दा प्रस्ताव रक्खेआ ऐ। एहदे पर 5 करोड़ रपे दी अंदाजन लागत औगा। स्वामी विश्वात्मा नंद सरस्वति जी हुंदी अध्यक्षता च कमेटी नै पुंछ दा दौरा लाया ते यात्री निवास लेई मुनासिक थाहर दी ताल कीती। कमेटी दे मिम्बरे प्रस्तावित थाहर दा निरीक्षण कीता ते सरबंधी पैहलुएं पर विचार-विमर्श कीता। एहदा मकसद यात्रा पर औने आहले श्रद्धालुएं दी सुविधा ते सलाना यात्रा गी सुचारू ढंगै सिर करोआना ऐ। आकाशवाणी समाचार कन्नै गल्ल करदे होई यात्रा प्रमुख नीशू गुप्ता होरें आखेआ

<><><><><><>

Doda health Camp

मैहकमा सेहत आसेया डोडा च इक मकामी गैर सरकारी संगठन दे सहयोग कन्नै जिले दे इक दूरदरेडे ग्रां धारा च कल इक - मल्टी स्पैशल्टी सेहत कैमाप दा सरिस्ता कीता गेआ, जेहदा उदघाटन सीओ डोडा डाक्टर तनवीर अहमद राथर होरें .एम. कीता। कैम्प च मुफ्त डाक्टरी जांच, डाक्टरें दी सलाह, दोआइयां ते शुरुआती इलाज दी सुविधा उपलब्ध कराई गई। कैम्प च च इक हैलथ वैन बी आंदी गई ही, जेहदे च खून दी जांचअल्ट्रासाउंड ते होर दुइयां - जांच सुविधां बी उपलब्ध हियां। मकामी मकामी लोकें इस पैहल गितै मैहकमे दा आभार प्रगट कीता जेहदे राएं उनेंगी अपने घरें कश एह सुविधा हासल होई। टाइम बचेआ ते दूर डाक्टरें कोला जाने दी हांड ते खेच्चल कोला बी बचे। इस बारै आकाशवाणी कन्नै गल्ल करदे होई सीएमओ डा. तनवीर अहमद राथर

<><><><><><>

Ramban-Awareness

रामबन दे जिला प्रशासन नै जिला एस.डी.आर.एफ दे सहयोग कन्नै सरकारी माडल हायर सेकेंडरी स्कूल रामबन च इक रोजा जागरूकता शिविर दा आयोजन कीता। एहदे च सैकड़ों बद्दे विद्यार्थिं ते अमले नै हिस्सा लैता। इस दरान सी.पी.आर., एफ.बी.ए.ओ प्रबंधन, फायर सेफ्टी ते प्राथमिक चिकित्सा बारै जानकार बनाया गेआ। इस जत्र दा मकसद युवाएं गी जरूरी जीवन रक्षक हुनर बारै जानकार बनाना ते आपदा प्रबंधन दी तैयारिं गी जमीनी सतह पर मजबूत बनाना हा।

<><><><><><>

Met Weather

मौसम विभाग नै पूरे जम्मू-कश्मीर च औंदे 12 घंटें दौरान होर मती बरखा ते गर्जी-चमकिए छट्टी पौने दी पेशनगोई कीती ऐ जिसलै कि किश थाहरें ऐन-गड़ा, शमानी बिजली पौने ते 50 कोला 60 किलोमीटर फी घंटा दी रफतार कन्नै अंधी-झक्खड झुल्लने दे असार दस्से ना। लोकें गी सलाह दिती गई ऐ जे ओ 13 मई शामी तगर शिकारे-किशती वगैरा दी सोआरी नैई करन ते करसान बी खेतरे च अपने कम्म अगडे पाई सकदे ना। मैहकमे नै अगगे आखेआ ऐ कि 13 मई कोला लेइयै 17 तरीक तगर मौसम आमतौरा पर बदलोखडा बने दा रौहग- जिसले कि किश थाहरें पर हलकी कनी-कनोन होई सकदी ऐ। ओहदे बाद 18 मई गी केन्द्र शासत प्रदेश दिएं टांवी-टांवी थाहरें पर गर्जी-चमकिये दरमेयाने दर्जे दी बरखा दे असार दस्से गेदे ना। मगरा 21 मई तगर इक बारी परतिये झड़ आहली स्थिति बनी दी रौहग। इस बारे होर मती जानकरी कन्नै मौसम विभाग दे इक अधिकारी.....(वाईट)

<><><><><><>